

МЁСЯЦА АВГУСТА В 17-Й ДЕНЬ (30 АВГУСТА ПО Н. СТ.)

**Преподобнаго и Богоноснаго отца нашего
Феодорита Кольскаго, просветителя лопарей**

НА МАЛОЙ ВЕЧЕРНИ

На Господи, воззвах: стихиры на 4. Глас 4:

От юности Христу любовь прилепился еси, / Божественными
смыслы живот свой исполняя. / Егда же Божественное рачение прииде на
тя, Феодорите славный, / тогда, апостолом подобясь, просвещник великия
Лапландии явился еси, / и неведущим людем в дальних странах
полнощных Бог тобою познан бысть. / Темже ты, яко учителя и
наставника благочестия, // попремному вси вернии ублажаем.

Священнаго Писания от младенства научився, богоносе
Феодорите, / и премудрость от вышняго Промысла прием, / писания
новая ко Христову познанию изложил еси, / древле во тме неверия
лежащая ныне к свету богоразумия воздвигл еси / и всех научил еси
веровати в Троицу Единосущную, во Едином Божестве почитаемую. /
Юже моли о нас, Феодорите пречудне, // спасти и просветити души наша.

Безплотных ликостоянию уподобился еси, Феодорите Богоносе, /
небесный человеке и земный ангеле, / кроме мира суетнаго пустыни
соделал еси на Колье и Ниве-реце, / идеже обители составил еси, отче
преподобне, монахов удобрение. / Темже ты вси, яко духовнаго отца и
ревнителя апостолом, ублажаем и молимся тебе: // моли спастися всем,
священную твою память почитающим.

Слава, глас 8:

Веселися, земле Кольская, / в тебе же плод радости нам процветет, /
преподобный Феодорит, благодатию Божией облагодуханный. / Егоже
величающе, Христа Бога славим, / преподобного же усердно молим: //
моли спастися душам нашим.

И ныне, праздника, глас 5:

Воспойте, лю́дие, / Ма́тери Бо́га на́шего, воспойте: / днесь бо
всесвѣтлую ду́шу Свою́ в пречы́стыя длáни / Иже из Нея́ Вопло́щагося
без се́мене предаёт, / Егóже и мо́лит непреста́нно // дарова́ти вселénней
мир и ве́лию мýлость.

Прокімен дне.

На стихóвне стихи́ры, глас 2:

Чистоты́ усérдный хранíteлю, / Божéственною любóвию, óтче,
распала́емь, / мирску́ю честь и богáтство нивочтóже вмени́в, / небéсное
богáтство и сла́ву вéчную восприя́л еси́. / Рекóша наро́ди лóпстии:
Феодорít Рýсский широко́ ходит; / та́ко не убо́яся тяготы́, и долготы́
пу́тныя, и стúдени, / ниже́ уклонíся та́мо нечестíвых челове́к
сопротивлénия, // но вся́ претерпел еси́ и всех Бо́гу привёл еси́.

Стих: Честна́ пред Го́сподем / смерть преподо́бных Егó.

Се́мя Слова Бо́жия в сердца́х наро́дов се́верных посе́ял еси́, /
Феодорíte пусты́нниче, / и, Христу́ подо́бяся, взыска́ти заблúждших
прише́л еси́, / ихже обрёт, ходáтай ве́рный явívся о ста́де своём пред
Бо́гом. // Тогó моли́ уми́рити ми́р и спасти́ ду́ши на́ша.

Стих: Блаже́н муж, боя́йся Го́спода, / в за́поведех Егó восхо́щет
зелó.

Свѣтом Трисóлнечным Святýя Трóицы озарívся, преподо́бне, /
невíдимых вра́г шата́ния и ко́зни низложív, / от Христá Бо́га сугúб венéц
прия́л еси́, / ра́дость и сла́ву вéчную насле́довал еси́, / ея́же нам
сподо́битися моли́твами тво́ими // моли́ Мýлостиваго Бо́га, преблаже́нне
óтче наш Феодорíte.

Сла́ва, глас 8:

Зри́, христиани́не вре́мен ны́нешних, / во́истину си́е удивлénию
достóйно: / кии хра́брии обрета́лися суть ста́рцы / в правосла́вней
христиа́нстей странé: / во правове́рных догмáтах воспитáнии, / Ко́льския
земли́ просветíteли, / егда́ престаре́ются и изнемо́гут тѣлом, / ко́льми

пáче хра́брство ре́вностию по благоче́стию полага́ют // и
острозы́тельнейшии и прѣятнейшии к Бо́гу быва́ют.

И ны́не, пра́здника, глас то́йже:

Девѣчести́и ли́цы / днесь та́йно одру́ Девы и Ма́тере о́крест
предсто́ят, / и ду́ши пра́ведных, обступѣ́вше, Цари́цу сла́вят. / О́ви у́бо я́ко
дар де́вство вме́сто ми́ра прино́сят, / о́ви же невеще́ственное пе́ние с
добродѣтели́ю прино́сят: / подоба́ет бо Ма́тери Бо́жии, я́ко Цари́це, /
ца́рскими добродѣте́лями светлосия́ющими дорино́сится. / С ни́миже и
мы, жити́е чи́стое совне́сше, / изы́дем к погребе́нию су́щия Ма́тере Бо́га
на́шего, / пе́ньми и пе́сньми духо́вными // согла́сно Ю ублажа́юще.

Тропа́рь пи́сан на вели́цей вече́рни.

Сла́ва и ны́не: пра́здника.

Ектенѣ́я ма́лая и отпу́ст.

НА ВЕЛИ́ЦЕЙ ВЕЧЕ́РНИ

Блаже́н муж: 1-й антифо́н.

На Го́споди, воззва́х: стихи́ры на 8.

Стихи́ры пра́здника, глас 4:

Я́же Жизнь, Богоро́дице, заче́ншая, / умира́еши зако́ном естества́ / и
прехо́диши от земли́ к Небе́сным / ма́нием Вопло́щшагося от Пречи́стых
и Боже́ственных кровей́ Твои́х. / Те́мже от ко́нec Тебе́ вси предста́ша, /
богогла́снии апо́столи Тя погребу́ти, / пе́сенно Тебе́ веща́юще: /
Одушевле́нный Престо́ле всех Ца́ря / и честны́я Святы́ни Ковче́же, //
ра́дуйся, Еди́на, ро́ждшая Спа́са душ на́ших.

Све́та чи́стѣйшаго прѣятели́ща, / свети́льницы, разо́ршии но́щь
многобо́жную, / Спа́совы апо́столи, / о́блак Боже́ственный, / из него́же
незаходи́мый Свет возсия́, / егда́ ду́хом предста́влену Тя от мирски́х
уведеша, Благослове́нная, / к преми́рней ра́дости о́блаком преидо́ша, /
исхо́дными пе́сньми Тя проводи́вше / ко гробу́ живонóсному, //
Богоро́дице, упова́ние на́ше.

Да прázднует тварь моле́бно: / всех Цари́ца к Цáрству мы́сленному
пре́йде, / сцáрствовати Цáрствующему все́ю тва́рию. / Ея́же ра́ди
разруши́ся áдово цáрство, / и мы от земли́ вознесо́хомся, / и со А́нгелы
жи́ти сподо́бихомся. / Ея́же успе́нием собра́ся мы́сленное естество́ все, //
патриа́рси, проро́цы и с му́ченики апо́столы.

Ины стихи́ры преподо́бнаго, глас 4:

Земли́ Ростóвския прозябéние, / благáя поро́сль родите́лей
благоче́стных, / Феодори́те преподо́бне, / равноапо́стольным служéнием в
земли́ Ко́льстей просия́л еси́, / лопь язы́ческую све́том Христо́вым
просвети́л еси́, // подо́бся просвети́телю зыря́н Стефа́ну.

Бо́гом избра́нный, / от ю́ности подвиза́лся еси́ в Ростóвstem
затво́ре, / в единона́десять лет во оби́тель Солове́цкую прише́л еси́, /
преподо́бному Досифе́ю послу́шником кни́жным вда́лся еси́, / книг
Досифе́ева да́ня преписа́л еси́ мно́жество, // смире́нно имену́я себе́
пе́рвым во гре́шниках дьяци́шкой Феодо́ром.

И́ноческому жити́ю прилежа́л еси́, преподо́бне, / душе́ю к Бо́гу
припа́дая / и служи́ти Ему́ всем се́рдцем жела́я, / и́ноческий по́стриг в
Солове́цтей оби́тели прия́л еси́, // трина́десятило́етним о́троком пребыва́я.

Сла́ва, глас 6:

Муже́ски бо естество́ пону́див, / от страсте́й по́стнически изба́вился
еси́, / и, плоть порабо́тив ду́ху, / пра́вило добродéтели показа́лся еси́, /
мно́гим мона́шествующим учи́тель и наста́вник яви́лся еси́, / и, предстоя́
Престо́лу Бо́жию, / моли́ся, преподо́бне о́тче наш Феодори́те, // о ны́не в
мона́шестве подвиза́ющихся.

И ны́не, прázдника, глас 2:

Я́же небéс вы́шшая су́щи, / и Херув́им сла́внейшая, / и всея́ тва́ри
честне́йшая, / Я́же премно́гия ра́ди чистоты́ / Присносу́щнаго Суще́ства
прия́телище бы́вши, / в Сыно́вне ру́це днесь все́святую предаёт ду́шу, / и с
Нею исполня́ются вся́ческия ра́дости, // и нам да́рует ве́лию ми́лость.

Вход. Прокі́мен дня. Чтéния три.

Премудрости Соломоновы чтение:

Праведных души в руке Божией, и не прикоснется их мука. / Непщевани быша во очию безумных умерети, и вменися озлобление исход их, / и еже от нас шествие – сокрушение, они же суть в мире. / Ибо пред лицем человеческим аще и муку примут, упование их безсмертия исполнено. / И в мале наказани бывше, великими благодетельствовани будут, яко Бог искуси я и обрете их достойны Себе. / Яко злато в горниле, искуси их и, яко всеплодие жертвенное, прият я. / И во время посещения их возсияют и, яко искры по стеблю, потекут. / Судят языком и обладают людьми, и воцарятся в них Господь во веки. / Надлежащие Нань разумют истину, и вернии в любви пребудут Ему. / Яко благодать и милость в преподобных Его, и посещение во избранных Его.

Премудрости Соломоновы чтение:

Праведницы во веки живут, и в Господе мзда их, и попечение их у Вышняго. / Сего ради примут Царствие благолепия и венец доброты от руки Господни, / зане десницею покрывает их и мышцею защитит их. / Примет всеоружие рвение Свое и вооружит тварь в месть врагом. / Облечется в броня правды и возложит шлем – суд нелицемерен. Примет щит непобедимый – преподобие, / поострит же напрасный гнев во оружие, споборет же с ним мир на безумных. / Пойдут праволучныя стрелы молниины и, яко от благокругла лука облаков, на намерение полетят. / И от каменометныя ярости исполнь падут грады, / вознегодует на них вода морская, реки же потопят я нагло. / Спротив станет им дух силы и, яко вихор, развеет их, / и опустошит всю землю беззаконие, и злодейство превратит престолы сильных. / Слышите убо, царие, и разумейте, навыкните, судий концев земли. / Внушите, содержащии множества и гордящиеся о народах языков, / яко дана есть от Господа держава вам и сила от Вышняго.

Премудрости Соломоновы чтение:

Праведник же аще постигнет скончаться, в покое будет. / Старость бо честна не многолетна, ниже в числе лет исчитается. / Седина же есть мудрость человеком, и возраст старости – житие нескверно. / Благоугоден Богу быв, возлюблен бысть, и живой посреде грешник представлен

бысть: / восхищён бысть, да не злоба изменит разум его, или лести прельстит душу его. / Рачение бо злобы помрачает добрая, и парение похоти пременяет ум незлобив. / Скончався в мале, исполни лета долга, угодна бо бе Господеву душа его, сего ради потщася от среды лукавствия. / Люди же видевше и не разумевше, ниже положше в помышлении таковое, / яко благодать и милость в преподобных Его и посещение во избранных Его.

На литий стихира храма и святого, глас 1:

Благословением старца Зосимы / на созерцание во обители северная отшел еси. / Преподобному Александру Свирскому исперва явился еси, / той же рек еси прозорливо: / сей есть сын Авраамль, Феодорит диакон. / И чистый чистому, непорочный непорочному // целованием воздал еси.

Зело возлюбил еси, преподобне отче Александре, / подвижника младого Феодорита, / во обители Живоначальные Троицы подвижающегося, / сослужащего диаконом братии и преподобному, / поучающегося пустынножительству и премудрости Божией, / устрояющего обители в местах пустынных, / сим устроена бысть обитель Святыя Троицы при Коле-реце // на краю земли Северная.

Слава, глас 5:

От младенства добродетели прилежав, / сосуд Духа Святого, преподобне Феодорите, явился еси, / чистоту и целомудрие соблюл еси, / прост и кроток, сердцем смирен, верен Богу, / отче преблаженне, был еси, / истинною премудростию просвещенный, сердце свое Христу вверил еси, / почестей земных не искавый, всем помышлением к Богу простиравыйся, // отче Феодорите, моли Христа Бога о нас.

И ныне, праздника, глас 3:

Светлое жилище добродетелей соверши мя, Препетая, / отжени облак страстей и Выхняго Причастия сподоби / и Света Невечерняго Твоими молитвами. / На милость Твою уповаю и тако воспою: / якоже во Успении Твоем мира не оставила еси, / буди нам Путеводительница / во Царствие Сына Твоего и Бога нашего. / Живуща на земли, оградь мя и

избáви от искушéний, / исходяща же от земли к жízни вéчной, // защити́ мя, Матероде́во, благоутро́бием Твои́м.

На стихóвне стихи́ры, глас 5:

Крест Христóв взял от юности твоея́, / Бóгу послужил еси́. / Чистоту́, смире́ние, нестяжа́ние и терпе́ние / труда́ми свои́ми обрел еси́, / послуша́ние мона́шеское соблю́л еси́. / Те́мже и мы, почита́я тя, мо́лим: / преподо́бне о́тче Феодори́те, // помози́ и на́м в сих добродéтелях преуспе́ти.

Стих: Честна́ пред Го́сподем / смерть преподо́бных Его́.

Душе́ю и тéлом дéвственный, / постóм, покло́ны, стоя́нием на моли́тве, / бде́нием неуста́нным плоть умертвил еси́. / В по́двизех дневных и но́щных течéние совершил еси́ / и наро́д лопáрский в ве́ре наста́вил еси́. / Ны́не свéту вели́кому, я́ко венéчник святы́й, предстои́ши: / помина́й изрядное твоё досто́яние, / е́же мно́гими труды́, о́тче, стяжа́л еси́, // да вси тя ублажа́ем.

Стих: Блаже́н муж, боя́йся Го́спода, / в за́поведех Его́ восхо́щет зело́.

Ещё́ в телеси́ тлénнем пребы́в, / безтелéсными и невестéственными почтён достóинства, / по возду́ху шéствия творил еси́. / И, я́ко апóстол Пáвел, / восхища́емь был еси́ во обители небéсныя, / иде́же видéнии неизречéнными Бóг посети́ тя. / Благода́тию Ду́ха Свята́го недужных, притека́ющих к тебе́, целил еси́, / прокаже́нных очища́л еси́, / чýства покая́нная в лю́дех пробужда́л еси́ // и мно́гих на путь спасéния и ве́ры наста́вил еси́.

Сла́ва, глас 2:

Прему́дрости сокрови́ще быв, преподо́бне Феодори́те, / сердца́ неверных люде́й учéнием твои́м просветил еси́, / благоче́стия семенá насади́в. / Те́мже ты все́, я́ко учителя́ премудра, / достодо́лжно ублажа́ем и мо́лимся: / моли́ся Христу́, Ему́же от юности порабо́тал еси́, / от наве́т вра́жиих избáвити нас // и спасти́ся душа́м на́шим.

И ныне, праздника, глас тойже:

Всепорочная Невеста / и Мати благоволения Отча, / Яже Богу пронареченная, / во Свое Ему жилище / неслитного соединения / днесь пречистую душу Творцу и Богу предаёт, / Юже Безплотных силы боголепно подъёмлют, / и к Животу представляется сущая Мати Живота, / Свеща неприступного Света, // спасение верных и упование душ наших.

На благословении хлебов тропарь святому (дважды), глас 4:

От юности, премудре, прилежно подвизался еси, / пустынный жителю и в телеси Ангеле, / исцеляеши недужных и души верою просвещаеши, / апостолом сопричастниче, Слово Божие возвестил еси, / всея Лапландии просветителю, / обителей и храмов Божиих зиждителю, / Феодорите, отче всеблаженне, / моли Христа Бога // спастися душам нашим.

И праздника, глас 1:

В рождестве девство сохранила еси, / во успении мира не оставила еси, Богородице, / преставилася еси к животу, Мати сущи Живота, // и молитвами Твоими избавляеши от смерти души наша.

НА УТРЕНИ

На Бог Господь: тропарь праздника. (Дважды).

Слава – преподобному. И ныне – праздника.

По 1-й стихологии седален, глас 3:

Землю оставил еси и небесных обителей жителем сподобился еси быти, / чистотою жития своего, любовью к Богу и ближнему просиял еси, / ныне же у Престола Божия среди ликов апостолов, преподобных и мучеников молиши за ны, недостойных. / Не остави нас, преподобне отче Феодорите, / моли Господа даровати нам, грешным, велию милость // ко спасению душ наших. (Дважды).

Слава, и ныне: праздника, глас тойже:

В Небесная мысленная Твоя душа, в Рай чистое Твое тело преставися, / от тли, Пренепорочная, в место светло, / сего ради воздаст

беззаконным Господь, / лѣсть бо содѣлаша честному Твоему телу. //
Тѣмже со апостолы вопиѣм: радуйся, Благодатная.

По 2-й стихологии седален, глас 5:

Священному Писанию от младенства научився, богоносе
Феодорите, / в дальняя места пришѣл еси, / и невѣдущим Бог тобою
познася. / Идѣже прѣлесть почитаема бѣше, / тамо же нынѣ людем, во тме
невѣрія лежащим, / вера Христова тобою даровася, преподобне, / и, яко
солнце, в сердца невѣрных возсия. / Всех научил еси в Трех Лицах
Единого Божества веровати, // тѣмже священную Твою память достоительно
ублажаем. *(Дважды).*

Слава, и ныне, праздника, глас 4:

В руке нас ради Вочеловѣчшагося из Тебѣ предавши душу, / яко
Зиждителю Твоему и Богу, / к жизни нетлѣнной прѣставилася еси. / Тѣмже
Тя честно ублажаем, едину чистую и нескверную, / и, Богородицу вси
истинно исповѣдающе, взываем: // Христа моли, к Немужѣ прѣставилася
еси, спасти души наша.

По полиелее величание:

Ублажаем тя, / преподобне отче наш Феодорите, / и чтим
равноапостольныя труды твои, / имиже в земли Кольстей трудился еси //
во благовѣстии Христовѣ.

Псалом избранный:

Преподобнии Твои славу Царствия Твоего рекут и силу Твою
возглаголют. / Се удалихся бѣгая и водворихся в пустыни. / Услыши ны,
Боже, Спасителю наш, упование всех концев земли. / Север и море Ты
создал еси. / Воцарися Бог над языки. / Возвестите во языцех славу Его,
во всех людех чудеса Его. / Видех неразумѣающия и истаях. / Провещает
язык мой словеса Твоя. / Страху Господню научу вас. / Научу
беззаконныя путем Твоим. / Господь не оставит преподобных Своих,
вовѣк сохранятся. / Пойте Господеву, преподобнии Его, и исповѣдайте
память святѣни Его. / Хранит Господь души преподобных Своих. / Слава
сия будет всем преподобным Его.

Сла́ва и ны́не: Аллилу́ия: (Три́жды).

По полиелее седа́лен, глас 4:

До́лгий путь земна́го шество́вия, / преподо́бне Феодори́те, Бо́гом да́нный, проше́д, / испове́дник ве́ры Христо́вой яви́лся еси́, / гоне́ние за пра́вду ве́ры претерпе́л еси́, / с ли́ки преподо́бных сочета́лся еси́, / те́мже, поклоня́ясь, моли́м тя, преподо́бне о́тче: // моли́ Христа́ Бо́га спасты́ся душа́м на́шим. (Два́жды).

Сла́ва и ны́не, пра́здника:

Твое́ пра́зднуем Успе́ние, Пречи́стая, / в не́же при́иде из Тебе́ вопло́тыйся Христос́ Бог наш со сла́вою неизрече́нною при́яти Тво́й дух. / Тем а́ще и преста́вилася еси́, / но нас, Богоро́дице, моли́твами Твои́ми не преста́й посеща́ти, пою́щих Тя.

Степе́нна, 1-й антифо́н, 4 гласа. Прокі́мен, глас 4: Честна́ пред Го́сподем / смерть преподо́бных Его́. **Стих:** Что возда́м Го́сподеви о всех, / я́же воздаде́ ми? **Вся́кое дыха́ние: Ева́нгелие от Матфе́я, зача́ло 43.**

По 50-м псалме́ стихі́ра, глас 6:

Прему́дрости твоёй и сло́ву разу́мному / всі́ ідо́льстии служи́тели удиви́шася, / и свою́ суетну́ю ве́ру я́ко безбо́жну оплева́ша, / и тобо́ю пропове́даемому Христу́ от души́ верова́ша: / Его́же моли́, премудре Феодори́те, / спасты́ся всем, свяще́нное твоё торже́ство соверша́ющим // и ве́рою чту́щим всечестну́ю па́мять твою́.

Кано́н пра́здника второ́й, глас 4, со ирмосом на 8: Отве́рзу уста́ моя́:

И свята́го на 4, глас 4:

Песнь 1

Ирмо́с: Пределе́в пучи́ну чермну́ю Бог, / фара́она погрузи́вый в ней, / провед́ Моисе́я немóкренно в пусты́ню / и одожди́в ма́нну в снедь лю́дем Изра́илевым, // я́ко си́лен.

Запе́в: Преподо́бне о́тче Феодори́те, // моли́ Бо́га о нас.

Соловѣцких отоков пострѣженник честный, / возлюбленник Божия Матере бывый, / ревнитель подвигов древних, подвижник новый, / молитву, яко копие и щит, приемый, / страшен демоном и тме язычестей явивыйся, / Феодорите преподобне, моли Христа Бога спасти души наша.

Воспойм, вси людие, преподобнаго Феодорита, / многими молитвами милость Божию обрѣтшаго / проповѣдати лопарѣм дѣким слово Евангельское, / многих сущих в идолослужении в веру Православную крестити / и к Богу приводити, / в земли сей мнози церкви поставити и освятити. / Славу Христу Богу нашему воздадим: / славно бо прославися.

Яко в день Славнаго Вознесения Своего / заповѣда Господь Иисус Христос учеником своим и апостолом / нести Слово Божие даже до края земли, / тако, преподобне Феодорите, прием словеса сия, / яко равноапостольный, Благовѣстия служение понесл еси к лопи дѣкой / и край земли просветил еси. / Сего ради ты вси, яко единоревнителя апостолом, / пѣсньми почитаем.

Богородичен: Недугующую безбожием тварь всю, / Бога рождши Исцелителя, Дѣво, исцелила еси преславно. / Тѣмже, благодаряще, взываем Ти: / несть пречисты паче Тебѣ, Владычице.

Катавасия праздника.

Песнь 3

Ирмос: *Утвердися сердце мое в Господе, / дающем молитву молящемуся, / яко лук сильных изнеможе, // и немощствующи препоясаша силою.*

Измлада Христа возлюбил еси, преславне, / и, Того соблюдая Божественныя заповѣди, / к Тому притекл еси весь цел, / Феодорите всечестне, / ныне же со Ангелы молишия прилежно, душею и телом дѣвственный. / Тѣмже, днесь всесвятую твою память празднующе, / освящаемся вси любовью, чтущи тя.

От юности прилежал еси премудрости, преподобне Феодорите, / и дѣтельное художество достигл еси богословия, / и, яко апостол, землю Кольскую, идольским мраком отягченную, / просветил еси светом

Евѣнгельскимъ. Мечъ обоюду остръ языкъ твой на идольскихъ служителей бысть, / пресекая техъ учения; / темже ты священными пѣсньми прославляемъ.

Востаните, вѣры Православныя исповѣдницы, / грядѣмъ, хвалы поюще, труды духовныя святыхъ земли полунощныя прославляюще, / и перваго в подвижникахъ, истиннаго ихъ учителя почитаемаго, / преподобнаго Феодорита, просветителя Кольскаго, прославимъ, / непрестанно молящагося о спасеніи душъ нашихъ.

Богородиченъ: Припадаемъ къ Тебѣ, Милостивая, / къ покаянію воздвигни ны, / избави отъ чрева мрачныя бездны / и отъ вратъ адовыхъ оградъ ны. / Ведуще милосердіе Твое, вѣмы, / аще Господь услышитъ Тя, / да ны помилуетъ.

Кондакъ праздника, гласъ 2:

В молитвахъ Неусыпающую Богородицу / и въ предстательствахъ непреложное упованіе / гробъ и умерщвленіе не удержаста: / якоже бо Живота Матерь / къ животу прѣстави // во утробу Вселивыйся приснодѣвственную.

Икосъ:

Оградъ моя помышленія, Христѣ мой, / ибо Стѣну міра воспѣти дерзаю, Чистую Матерь Твою, / на столпѣ глаголъ укрѣпи мя и въ тяжкихъ мыслехъ заступи мя, / Ты бо взывающимъ и просящимъ вѣрою мольбы исполняеши. / Ты мне убо даруй языкъ приносенъ и помыслъ непостыденъ: / всякое бо даваніе сіянія отъ Тебѣ низпосылается, Светоподателю, / во утробу вселивыйся приснодѣвственную.

Седаленъ святаго, гласъ 2:

Нищету телесную познавый, / духовнымъ богатствомъ обогатился еси, / ума пречуднаго и бодренняго учителю, / и, въ духѣ и истинѣ возрастая, / отъ Христовыхъ овецъ словесы своими прелесть идольскую отгналъ еси. / Невредно духовная своя чада вѣну сохраняеши, / восхваляемъ тя, Феодорите блаженне, глаголюще: / моли Христа Бога спастися душамъ нашимъ. *(Дважды)*

Сла́ва, и ны́не, Богоро́дичен пра́здника, глас 1:

Всечестный́й ли́к премудрых апо́стол собра́ся чу́дно / погребсти́ сла́вно тѣло Твое́ пречисто́е, Богоро́дице Всепѣтая, / с ними́же воспѣша и А́нгел мно́жество, / преста́вление Твое́ че́стно хва́ляще, е́же ве́рою пра́зднуем.

Песнь 4

Ирмо́с: *Небеса́ добродѣтель Твоя́ покрѣла естѣ, / и земля́ исполни́ся сла́вы Твоея́, Христѣ. / Те́мже ве́рно вопи́ем: // сла́ва си́ле Твое́й, Го́споди.*

От ю́ности Христа́ всею́ душо́ю возлюбѣвый, / да́ры Ду́ха Свята́го изде́тска восприя́л еси́. / Трина́дцатолѣтним о́троком во оби́тели Соловѣцтей мона́шеский по́стриг прия́л еси́: / небѣсным а́нгелом во смире́нии и терпе́нии на земли́ поживѣый, / во плоти́ безплотным уподо́бился еси́ / и четы́редесяти лет на апо́стольскую стезю́ возше́л еси́. / Ра́дуйся, земле́ Ко́льская, / Бо́жиим благоволе́нием дѣвнаго окорми́теля обрѣтшая.

Со преподо́бным отце́м Трифо́ном / подвижа́лся еси́ вку́пе в прегорча́йшей пусты́ни, Бо́гом храни́мъ, / умуча́я и покоря́я плоть свою́ в порабо́щение и послуша́ние ду́ху, / пита́лся от жесто́ких зѣлий и корѣний. / Напи́лся еси́ сла́дости пусты́нныя, / поне́же пусты́ня е́сть поко́я и ума́ почива́ние, / презѣльная роди́тельница и воспитате́льница, клеврѣт и тишина́ мы́сли, / божѣственнаго зрѣ́ния плодови́тый ко́рень, ѣстинная содруже́бница с Бо́гом. / Пребыв та́мо со о́ным предрече́нным ста́рцем / два́дцат лет во святе́м и непоро́чном жи́тельстве, / по ступе́ням добродѣтелей возше́л еси́, всехва́льне.

Во о́ной прегорча́йшей пусты́ни, / на у́стии вели́кия Ко́лы-реки́ ста́рец предѣ́вный созида́ет монасты́рь / и в нем поставля́ет це́рковь во и́мя Пребезнача́льныя Тро́ицы. / Собира́ет средѹ́ мни́шескую и пра́вило им священно́е уставля́ет, / заповѣдая обще́ и отню́дь нестяжа́тельно жи́тельствовати / и свои́ми рука́ми пи́щу добыва́ти, я́ко рече́ вели́кий апо́стол: / я́ко а́ще кто не хо́щет де́лати, ниже́ да яст.

Богоро́дичен: А́нгелов и Арха́нгелов превѣ́сшая, / честне́йшая Херуви́м и сла́внейшая Серафи́м, / я́ко Купина́ неопальна́ Бо́га

прия́вшая, / ро́ждшая ми́ру Спаси́теля, млеко́м Свои́м Младенца
пита́вшая, / матеродéвственною чистото́ю свет осиява́еши, / ми́лости
неоску́дныя нам источа́еши. / Тебе́ кла́няемся, Тебе́ благодарим, / из
глуби́ны душі́ тако́ воспева́ем: / ра́дуйся, Благода́тное Не́бо, / из Тебе́
возсия́ Со́лнце пра́вды – Христос Бог наш.

Песнь 5

Ирмос: *Мрак разреши́ грехá моего́, / внегда́ возсия́ти Ти утро́
све́тлое за́поведей Твои́х, // Го́споди, Непристу́пный Све́те.*

Феодори́т Ру́сский широ́ко ходит – / тако́ почита́ше наро́д ло́пский
прему́драго просвети́теля своего́. / Ты же, це́ркви созидáя и освяща́я / во
у́стии Нíвы-реки́ и вели́кия реки́ Ко́лы, / мно́гих лопля́н крестил еси́ во
святу́ю ве́ру Правосла́вную, / Пресвяту́ю Тро́ицу возславля́я. / Тако́ и мы
возопи́м: / Тро́ице Свята́я, сла́ва Тебе́.

Я́ко хра́брый во́ин Христóв, / вся́каго мирска́го пристра́стия кроме́,
о́тче, б́ыв, / проти́ву нача́л власте́й те́мных, миродéржцев ве́ка сего́,
возста́л еси́. / Духо́вный о́тец и наказа́тель бы́сть преподо́бному
Варлаа́му, / прише́дшему к тебе́, известву́я о убийстве и прося́
проще́ния, / слеза́ми зе́млю омака́я о соде́янных в я́рости и
невоздержáнии. / Ты да́еши ему́́го лёгкое: / е́же ме́ртваго носи́ти во
гробе́, до́ндеже изгниёт те́ло умер́шия супру́жницы, / самому́ же в посте́ и
моли́тве пребыва́ти / и тако́во воздержáние имéти, / я́ко и ры́бе то́чию
еди́ною на Па́сху причаща́тися.

Мно́гими грехми́ обременённые, / приведи́ ны, Феодори́те, к
покая́нию, / я́ко иску́сен еси́ цели́ти согни́вшия неисцельны́я ра́ны, /
си́речь презла́я дела́ в челове́цах, я́же многоле́тняя обыкнове́ния, / от
мла́дости утверди́вшаяся в душа́х людски́х. / Научи́ ны, о́тче
преблаже́нне, / очища́ти и просвеща́ти сердца́ на́ша / и ко Го́споду
прилепля́тися мно́гим покая́нием.

Богородичен: *От ве́ры тёплая вопию́ Ти, Богороди́це, /
недостойны́ми усты́ и скве́рным се́рдцем: / спаси́ мя, погружё́ннаго
грехми́, / ущéдри умерщвлё́ннаго отча́янием, / да зову́ Ти спаса́емь: /
ра́дуйся, Де́во, христиа́н Похвало́!*

Песнь 6

Ирмос: Приидох во глубины морскія, / и потопила мя есть бұря
многих грехов, // но, яко Бог, из глубины возведи живот мой,
Многомилостиве.

Подвигом добрым в пустынях Фиваиды Северныя подвизался еси, /
писмена лопарская создав, / во еже священницы лопарским языком
служаху, / канонарси по лопарским книгам канонарша, / певцы же всяко
пение лопарски возглашаху. / Бысть язык твой, преподобне, трость
книжника скорописца. / Божие величие на языке лопском ясно изъяснив, /
в познание Христово привел еси лопляны многия. / Темже духовная чада
твоя / к монашескому житию привел еси из народа некогда варварского. /
Яко тобою избавльшися от идолов, / благодарно тебе зовем: / радуйся,
Феодорите, учителю премудрый.

Самозванен неимущим тебе, преподобне, обрелся еси, / люди, от
идольския лести свободив, / ко Христове вере привел еси и лопския
ноиды посрамил еси, / темже и первый учитель Лапландии был еси. / Сего
ради духовная твоя чада, яко тобою избавльшися от идол, / благодарная
тебе возопиём: / радуйся, Феодорите, учителю премудрый.

Божественною силою свыше одян, преподобне, / ярем Христов взял
еси, / и людей оляденевшая древле неверием сердца возделал еси, /
Божественное семя в них всеяв, / и евангельски духовне породил еси, /
приводя души заблуждших ко Христу Владыце.

Богородичен: Мати Божия Пречистая, / слезы о нас, грешных,
проливаеши о нашем спасении, / Сына Твоего просиши, / да простит
наша прегрешения, и помилует, / и в Царство Небесное двери отверзет.

Кондак святого, глас 5:

Обители Соловецкия отрасли многоплодная, / монахов наставниче,
покаяния проповедниче, / царя земного дары Небеснаго ради Царствия
отвергл еси, / красотою душевною в земли Северной просиял еси, /
радуйся, богомудре отче Феодорите, // земли Кольския заступниче
теплый.

Икос:

А́нгел о́бразом в затво́ре Ростóвstem, / богослóвия рачíteлю,
измла́да мно́зи язы́ки наро́дов позна́л еси́, / вня́в гла́су Бо́жию,
глаго́лющу: / пойдí по землѣ необита́нней и непрохо́дней, / по землѣ
безво́дней и непло́дней, / святíteлю Стефа́ну Пе́рмскому подо́бся, / к
просвещéнию землѣ Ко́льстей гото́вляся. / Те́мже благода́рственно вопи́ем
ти: / ра́дуйся, гра́да Ростóва благо́е прозябéние; / ра́дуйся, благочестѣ́вых
родите́лей чѣ́стное порождéние; / ра́дуйся, землѣ Ру́сския духо́вное
украше́ние; / ра́дуйся, му́дрый стра́нниче, иский О́течества Го́рняго; /
ра́дуйся, я́ко да́ры Ду́ха Свята́го изде́тска восприя́л еси́; / ра́дуйся, я́ко от
ю́ности свое́я Еди́наго Христа́ все́ю душо́ю возлю́бил еси́; / ра́дуйся, о́тче,
отце́в Ко́льских красото́; // ра́дуйся, преподо́бне о́тче Феодори́те, землѣ
Ко́льския засту́пниче те́плый.

Песнь 7

Ирмо́с: *О́бразу златóму не поклонѣ́вшеся, / о́троцы авра́мстии
искуша́хуся, / я́ко зла́то в горни́ле, в пе́щѣ о́гненной, / я́ко в черто́зе
свѣ́тлем, ликовáху, пою́ще: // благословéн еси́, Бо́же о́тец на́ших.*

Укращéнием плóти, постóм и моли́твою противля́йся сѣ́лам
бесóвским, страша́щимся свѣ́та Христо́ва, / зéмлю Сѣ́верную
полу́нощную, клеветáми зла́ и тмы́ порабо́щенную, / сло́вом
Ева́нгельским просветѣ́л еси́, / на путь пока́яния от нечѣ́стия и
многолѣ́тнаго дрéвняго неvéрия / в ве́ру Христо́ву язы́цы, сущия́ в
идолослужéнии, наста́вил еси́, Феодори́те предѣ́вне, / и, я́ко зла́то в
горни́ле, искуше́н быв, воспева́л еси́: / благословéн еси́, Бо́же о́тец на́ших.

Мно́ги скóрби пра́веднику, и от всех их избавля́ше тя Госпо́дь: /
биéние, оклеветáние, / изгна́ние от восста́ющих на тя новосóбранных
мнѣ́хов, со диа́волом сложѣ́вшихся, / во смире́нии прия́л еси́, ста́рче
предѣ́вный. / Моли́ся о на́с, о́тче преподо́бне, / да на́ша скóрби Госпо́дь в
ра́дость претвори́т, те́мже Ему́ возопи́м: / благословéн еси́, Бо́же о́тец
на́ших.

Я́ко со́лнце чѣ́стное, жити́е твоё возсия́, преподо́бне, / тму́ идо́лобесия
от люде́й словесы́ тво́ими, я́ко пра́щею, отгна́л еси́, / волшебна́я

буесловія, яко премудр, посрамил еси / и звати всех научил еси: / благословен еси, Боже отец наших.

Богородичен: Вместилище Божие, и палата красна, и божественный престол, / на немже седе, уготова всем седение небесное, явилася еси, Пречистая Дево. / Сего ради взываем: / Благословенная, Яже Бога плотию рождающая.

Песнь 8

Ирмос: *Избавителю всех Всесильне, / посреде пламене благочествовавши, / снизшед, оросил еси / и научил еси пети: // вся дела благословите, пойте Господа.*

Яко мужа искуснаго и мудраго, призвѣ ты великий царь Иоанн / и повеле посольствовати в Царьград ко Патриарху, / дабы исходатаити благословения о короновании, / яковым чином цесари римстии, сущии христианстии, от патриархов венчаеми быша. / Ты же, повеления царева послушав, уже в старости маститей и в немощнем телеси / поиде с радостію на таковое посольство. / И хождаше вѣще лета единого, многія на пути беды и труды подъяв, / и принесѣ со благословением соборным послание от Патриарха / ко царскаго сана возведению Великому князю Россійскому. / Мы же, дивѣщаяся послушанию твоему, Богу воспеваем: благословите, вся дела Господня, Господа.

Егда восхотѣ царь Иоанн почтити тя, отче, дары богатыми да властію духовною, / тогда дары царя земнаго Небеснаго ради Царствия отвергл еси, якоже рече: / аз властію и сребреники, такожде и драгоценными одеждами / не обыкох наслаждаться, ни украшаться, / даруй их всем, яже просят от тебе; / но точию сего прошу, / да с покоем и со безмолвием в келлии до изшествія моего пребуду. / Темже, внимая словесем твоим премудрым, / от усердія нашего сѣце вопиѣм: / благословите, вся дела Господня, Господа.

Воистину сие удивления достойно: / како в толицей старости маститей в келлии с покоем пребыти не восхотѣл еси, старче предивный, / таковыя неудобоприятныя и жестокия пути паки претерпѣл еси, / летом плавая по морю, / зимою же на скорошественных еленех ходѣи по

непроходным пустыням, / усердно посещал еси чада своя духовная, / яко мнѣхъ, такожде и лопляны, / наученныя и крещенныя тобою в веру Православную. / Мы же, дивящися благим твоим подвигом, / почитим их сердцем и усты, / да благоприятно чудодѣющего в тебѣ Бога воспоем: / благословите, вся дела Господня, Господа.

Богородичен: Радость всему миру родила еси, Дѣво Неискусобращная, / Невместимаго вместившая, / блаженно чрево Твое, Бога носившее. / И ныне, имущая дерзновение ко Господу, / присномолящая Сына Твоего, умиосердися на люди грешныя и безпомощныя / и не остави нас, Божественный Покрове душам нашим.

Песнь 9

Ирмос: *Величаем вси человеколюбие Твое, Христѣ, Спасе наш, / Славо раб Твоихъ и Вѣнче верныхъ, // возвеличивый память Рождшия Тя.*

О, пастырю предивный, / яковую тихость и кротость многую имѣл еси, / и яковая наказанія премудрая и в гонѣніихъ предивная, / и наисладчайшая бесѣдованія, и пользуетельная апостолоподобная вещанія / даровал еси сыновомъ твоимъ духовнымъ, / попечение имѣя о спасеніи душъ множайшихъ чадъ твоихъ во вся дни земныя / и до праведныя твоея кончины во обители Соловецкѣхъ.

О, Феодорите преблаженный, / како не удивитися намъ добродѣтельнымъ деломъ твоимъ предивнымъ! / Что возглаголемъ о томъ, яковая имѣл еси дарованія от Бога, / сиречь дары Духа Святаго: / силы исцеленія, дар пророчества, дар мудрости / грѣшники уловляти от презлыхъ делъ диавольскихъ, / и наставляти на путь покаянія, / и приводити от нечестія и многолѣтнаго древняго неверія / в веру Христову языки неверныя. / О, пастырю предивный, похвальная восписуемъ ти, / творящии память твою!

Востани с нами, православный соборе вселенский, / почитимъ и прославимъ подвиги апостольския преподобнаго отца нашего Феодорита, / сѣмя правды евангельския во языцехъ земель северныхъ посѣяваго / и вся сѣя ко Христу приведшаго.

Богородичен: Яко Крин Небесный среди терниев грехов человеческих, / процвела еси, Богоотроковице, на земли, / Богом Отцем избранная и Духом Святым осененная, / Сына Божия, Спасителя миру, рождающая / и венцем Небесным Троицею Святей увенчанная. / До Рождества, в Рождестве и по Рождестве Приснодевою величаемая, / Ты благоухаеши всякою чистотою, / из Тебе бо произыде Господь Иисус Христос. / Тебе, Чистую, славим и умильно тако воспойм: / радуйся, Божественный Покрове душам нашим.

Светилен.

Труды тяжкими и подвиги многими / с терпением и смирением наветы вражия, и клеветы от лжеглагольников, / и гнев царския напрасныя претерпел еси / и труд апостольский творити до смерти не престал еси. / Яко не можаше свеща тайтися под спудом, но токмо на свещнице, / тако и труды твои, отче наш Феодорите, / не можашу быти сокрыты от любящих тя / и светло возсияли суть в северных концех Русския земли.

Слава, и ныне, праздника:

Апостоли, от конец совокупльшеся zde, / в Гефсиманийстей веси погребите тело Моё, / и Ты, Сыне и Боже Мой, прими дух Мой.

На хвалитех стихир на 6.

Стихиры праздника, глас 6:

Глаголом Божественного Гавриила последующе, / радуйся, Тебе зовем, Чистая. / Ты убо Пресвятая и Мати Господня, / к Семи преставльшиися, // поминай о воспевающих Тя.

Неизмерная Премудрость Божия / храм Себе паче ума, Богородице, созда / из Тебе Духом Святым / и ныне Тя к невещественным селением // престави, Всепетая.

Раб, ныне прихожду к Тебе, Матери всех Бога, / от всяких избавитися напастей моляся, / но, о, Богородительнице, / царствующи с Сыном Твоим, // христианский род сохраняй.

Ины стихіры преподобнаго, глас 8:

От юности жаждал еси по́стническаго житія, / ору́жием иноческим: покая́нием, смире́нием, / послуша́нием во́ле Божіей, ца́рству тмы́ проти́вился еси́, / пра́вило ве́ры и о́браз крото́сти духо́вныя яви́лся еси́, / ве́тхаго челове́ка совлéкся еси́ / и, стяжа́в благода́ть Ду́ха Свята́го, / в но́ваго челове́ка облéкся еси́, // в пра́ведности и і́стине Божіей утвержда́ясь.

В земли́ Ру́сстей возсия́вый, / на правосла́вных догма́тах воспита́нный, / престаре́в и изнемо́гнув те́лом, о́тче Феодори́те, / хра́брство ре́вностию ко благоче́стию полага́л еси́ / и та́ко жи́знию своёю Го́споду угоди́л еси́. / Мы же, помина́я тя, преподо́бне, // хва́ляще и благодаря́ще, Бо́гу воспо́йм: аллилу́ия.

Ре́вностию по Бо́зе распала́емь, / попече́ние имéя о спасе́нии душ чад своіх духо́вных, / и в невер́ных се́я про́поведь ева́нгельскую, / и умножа́я благоче́стие, / вруче́нный тебé от Христа́ Бо́га тала́нт во язы́це о́ном глубо́ких и гру́бых ва́рваров преумно́жил еси́, / не щадя́ ни ста́рости, ни немощна́го те́ла, // сокруше́ннаго мно́гими léты и вели́кими труды́.

Сла́ва, глас 7:

Еда́ немо́щно есть от Бо́га вся́кое сло́во? / Умиле́нною душе́ю поклоні́мся Христу́, пла́чуще и стеля́ще к Нему́, / и даст Госпо́дь Всемо́гущий исполне́ние вся́каго проше́ния, / егóже про́сим от Него́, / и обря́щет прося́щий благода́ть Божію пред очі́ма Его́. / Те́мже и мы умиле́нною душе́ю воспо́йм ко Го́споду, / кла́няемся, и славосло́вим Всеще́драго Бо́га, / и благодарі́м Да́вшаго нам се́вернаго апо́стола сла́внаго, // блаже́ннаго Феодори́та, земли́ Ко́льския просветі́теля.

И ны́не, пра́здника, глас 3:

Прииді́те, вси концы́ земніи, / честное́ преставле́ние Богома́тере восхва́лим, / в ру́це бо Сы́на ду́шу непоро́чную положи́. / Те́мже святы́м Успе́нием Ея́ мир оживотвори́ся, / во псалме́х, и пéниих, и пёснех духо́вных // со Безплóтными и апосто́лы пра́зднует свéтло.

Славосло́вие вели́кое и отпу́ст.

На часах: тропарь праздника, Слава: преподобного Феодорита. Кондаки праздника и преподобного читаются попеременно.

НА ЛИТУРГИИ

Блаженны от канона праздника, песнь 3-я – 4 и преподобного, песнь 6-я – 4. По входе: тропарь праздника, тропарь преподобного. Слава: кондак преподобного; И ныне: кондак праздника. Прокимен праздника и преподобного, глас 7: Честна пред Господом / смерть преподобных Его. Апостол к Галатам, зачало 213. Аллилуия праздника и преподобного: Блажен муж, бояйся Господа, / в заповедех Его восхощет зело. Евангелие от Луки, зачало 24. Причастен праздника и преподобного: В память вечную.